

根本說一切有部毗奈耶雜事卷第十六

甘六

唐三藏法師義淨奉

制譯

第四門第二子攝頌曰

牆柵尼剎具 不著打光衣 得少亦平分

洗淨儀應識

廿六

緣在室羅伐城其給孤長者施寺之後道俗  
諸人來往者衆長者念曰今者寺園便成大  
路我今宜可遍築高牆即往佛所白言世尊  
今此寺園便成大路欲安園牆不知得不佛  
言長者隨意應作長者即於四面悉以牆圍

至夏雨時其水不出致令淹漬長者後時來  
禮佛足見其水滿作如是念我先築牆不通  
水竇致令水滿佛若許者爲竇通出自佛佛  
言隨意通水時諸牛犢揩損其牆或以角觸  
長者見已作如是念我雖築牆未爲木柵廣

說如上佛言應爲木柵時有惡人盜木將去  
長者來見柵被賊偷隨處零落長者以事白  
佛柵外安塗佛言隨作長者即於柵外周布  
安塗

緣處同前時有苾芻尼名曰底灑頭髮極長  
詣剃髮人處求彼剃髮彼作是念諸釋迦女  
強使我作廣說如前苾芻所請許尼僧伽得  
畜剃髮具等宜於屏處更相剃髮

緣處同前世尊旣許難陀出家時孫陀羅作  
好法衣打治光淨以牙揩拭寄與難陀難陀  
得已披此好衣手擎上鉢對諸大衆馳騁而  
行苾芻白佛佛作是念由著好衣有如是過  
告諸苾芻此是非法所不應爲難陀癡人著  
此衣服手擎好鉢馳騁衆前是爲非法若有  
苾芻著熟打衣得越法罪世尊旣制著熟打

衣有信心婆羅門居士將熟打衣施與苾芻  
苾芻不受廣如上說豈令我等無善資糧趣  
於後世願當受取苾芻以緣白佛佛言隨意  
受取既受得已除去衣光任情受用苾芻以  
手接衣光仍不去佛言置於露地待潤接之  
廿六  
亦不能除佛言以水浸去亦不總除佛言若  
水浸已隨意受用勿生疑惑若有信心婆羅  
門居士等施與大眾熟打好衣準上應用  
緣處同前時此城中婆羅門居士等在於要  
處衆集堂中共爲言話告言汝等知不沙門  
喬答摩及聲聞弟子所得利養不共均分不  
如外道時衆會中有一婆羅門先無淨信告  
諸人曰明日宜共君等親觀喬答摩等是均  
平不諸人曰善時婆羅門遂將白疊一雙入  
逝多林即以其疊於上座前施四方僧白言

聖者我以此疊施與衆僧隨意受用上座報  
曰大婆羅門願無病長壽汝此布施是心莊  
嚴是心資助善扶勝定得妙菩提天上人中  
受勝衣服時婆羅門聞是語已詐現恭敬禮  
辭而去爾時世尊告具壽阿難陀曰汝可告  
諸苾芻彼婆羅門故來入寺欲求瑕隙施此  
疊衣汝諸苾芻應可均平各取少分或用補  
衣或爲鉤紐或方手許隨用資身時阿難陀  
受佛教已告諸苾芻世尊有教彼婆羅門來  
求瑕隙所施疊布汝等可應平等共分各取  
廿六  
少分或用補衣或爲鉤紐或方手許隨用資  
身苾芻聞已報尊者曰如世尊教我等奉行  
苾芻得已便即平分如前受用於明日旦彼  
婆羅門在城門立時諸苾芻執持衣鉢入城  
乞食既至門所彼婆羅門言聖者我施衆疊

仁等作何受用有一苾芻報大婆羅門曰衆僧得已平等共分我所分得便補破衣一人報曰我所得者用爲鉤紐一人報言我所得者方如手許隨身爲用時婆羅門既聞斯語便作是念我等所說並是虛言漫相謗說沙門釋子所得利養不共均分我今親驗知諸

苾芻是具德者實是均平心無偏黨可於此中而爲出家時婆羅門起信心已往詣佛所頂禮雙足而白佛言唯願世尊慈悲許我於善說法律而爲出家并受近圓成苾芻性於世尊所勤修梵行佛告婆羅門善哉善哉汝能發此勝上之心而求出家智者了知諸出家者有五勝利廣如下說乃至世尊及聖智者悉皆讚歎當求出家世尊即命婆羅門曰善來苾芻便是出家即成圓具策勤正念勇

猛不息摧破五趣生死之輪如前廣說斷諸煩惱獲阿羅漢果乃至釋梵諸天悉皆恭敬佛告諸苾芻濟及餘人知量而受獲如是利是故苾芻若得餅食乃至極小猶如樹葉衆共分張若得衣物乃至極少堪作燈炷衆亦共分

緣處同前時此城中有一婆羅門常樂清淨希願出家便作是念頗有洗淨慚我心者當依彼法而爲出家其婆羅門遊方求覓巡歷外道及婆羅門修行之處見便利了有不洗淨有入池中以百土塊而洗淨者見斯穢惡或事繁多皆不稱心無歸依處時婆羅門復作是念我皆遍看無遂意者唯有沙門釋子未往觀察即詣逝多林乃見具壽舍利子攜軍持瓶水可受三升向便利處見已生念此

是沙門喬答摩上首弟子我且觀察如何洗淨即隨後去若阿羅漢不入定時不能觀察他人意趣舍利子既見彼人隨從而行遂便歛念觀此婆羅門何故隨我乃知此人心求潔淨欲於我所伺其善惡復觀其人有善根不與誰相屬遂見彼人先有善根繫屬於我作是觀已即於上風安置法服唯著僧腳缺及下裙而已次於一邊乾石之上置末土七聚以爲一行各如半桃復於此邊更行七聚又於一畔別安一聚持一籌片并三塊土入廁室中不閉其門方便令彼遠處遙見便利既了籌用拭身便以左手取其一土向下洗淨復取一土洗小便處既清淨已次將一土偏洗左手右手持瓶至其土處瓶安左脰令水邪出若有三叉木者置上極要

廿六

五

手又取七土一一兩手俱淨洗拭兩臂亦令淨潔又取一土用洗澡瓶事了徐去威儀寂靜被著法衣後更以水而洗雙足次至房中取淨瓶水再三漱口方始任情隨所作務彼婆羅門見是事已深起信心便作是念善哉要法餘莫能加外道設用百土洗淨不如釋子但須二七作是念已頂禮舍利子雙足白言聖者我今願於尊者之處善說法律而爲出家并受近圓成苾芻性勤修梵行作不放逸舍利子報言善哉善哉婆羅門汝能發此殊勝之心斯爲善事如佛所說諸智慧者見五利故當樂出家云何爲五一者出家功德是我自利不共他有是故智者應求出家二者自知我是卑下之人被他驅使既出家後受人供養禮拜稱讚是故智者應求出家三

者從此命終當生天上離三惡道是故智者應求出家四者由捨俗故出離生死當得安隱無上涅槃是故智者應求出家五者常爲諸佛及聲聞衆諸勝上人之所讚歎是故智者應求出家汝今應可觀斯利益以殷重心捨諸俗網求大功德說是語已便與出家并十學處次受圓具如法教誡策勵勤修斷諸結惑證無生法得阿羅漢果離三界染觀金與土平等不殊刀割香塗了無二想如手撫空心無罣礙能以大智破無明殼三明六通四無礙辯悉皆具足於三有中隨處愛著利養恭敬無不棄捨帝釋諸天所共讚歎舍利子將羅漢弟子親詣佛所俱禮雙足具陳上事佛告舍利子汝能如是以善方便引導衆生於我法中因斯制戒爲清淨事福利無邊

驗斯聖教金口親言事合奉行理難違逆但爲昔諸律部文有關遺雖復少傳未盡其致或令學者無所準憑遂使士百年中斯法未備或以筒槽充事復用帛拂拭身或於石上指手元無用土之處此則咸非本法求淨翻成汙染今既皎鏡灼然行否任其恭慢

時諸苾芻咸皆有疑請世尊曰由何緣業具壽舍利子以清淨事調伏引攝彼婆羅門能令出家到圓寂處佛告諸苾芻非但今日調伏彼人令得安樂於往昔時以清淨事已曾調攝令捨賊徒歸依三寶受持五戒汝等當聽乃往古昔於一聚落有婆羅門妻誕一女儀貌端正年既長大處女在家有五百羣賊夜劫其村時彼賊帥渴逼須水入婆羅門舍見彼少女告言女子我今渴逼有水將來女言且待即忽然燈取水觀察賊帥問曰何所觀耶答言觀水問曰有何可觀答言恐有草髮飲時致患報曰我是狂賊欲害汝村準斯

非理應與毒藥何憂草髮爲我患乎女聞語

已說伽陀曰

凡賊所爲者枉奪他財物隨君作不作  
我常依法行

知水淨已即便授與是時賊帥飲水既訖情

生歡喜報言少女汝是我妹勿起異心女曰

我實不須如此賊人以爲兄弟常於他物作  
劫奪心物主見時射以毒箭遭此命過苦痛

難言我聞兄亡倍生憂感仁今若能歸依三

寶持五戒者我爲仁妹賊便美語告其女曰

汝言甚善我當作之女即爲說三歸五戒令

起信心羣賊奉持共尋歸路汝諸苾芻勿生

異念往時賊帥即婆羅門是彼之少女即舍

利于是昔時觀水爲清淨故令賊受戒捨惡

歸依今復以其洗淨之法令生希有拔出愛

河登涅槃岸長辭苦海永證無生佛告諸苾  
芻汝等當知此是常行恒須在意如是洗淨

有大利益令身清潔諸天敬奉是故汝等從

今已去若苾芻苾芻尼學戒女求寂男求寂

女鄒波索迦鄒波斯迦歸依於我以我爲師  
者咸應洗淨如舍利子若人不作如是洗淨

者不應繞塔行道不合禮佛讀經自不禮他

亦不受禮不應噉食不坐僧牀亦不入衆由

身不淨不如法故能令諸天見不生喜所持

咒法皆無効驗若有犯者得惡作罪若作齋

供書經造像不洗淨者由輕慢故得福寡薄

若晨朝午後不嚼齒木即不合食亦不成齋

同前得罪汝等皆應依我言教無得自欺作

不淨法懈怠放逸爲下品行當墮惡道時諸

苾芻聞佛教誨皆大歡喜如法奉行

第四門第三子攝頌曰

拆洗

緣破須隨替 明月聞便領 依止知差別  
三人共坐聽

緣在室羅伐城給孤獨園時諸苾芻著故舊  
衣無心愛惜時衣邊畔皆悉破落苾芻白佛

廿六

八

佛言隨所損處以線絡之雖復橫絡線復下

垂更著堅線絡令牢固佛言當觀僧伽胝服  
猶若身皮時諸苾芻更無餘衣常披大衣於  
其腋下流汗露汗臭氣不淨令衣疾破苾芻  
白佛佛言可於腋邊別安貼緣苾芻不知如

何安貼佛言用物一肘半闊一張手而爲其

貼佛言不應用白物貼應以壞色彼用袈裟

色佛言不應此乾陀色恐染餘衣赤石赤土染之苾芻

縫著佛言應可麤糲遂於一邊安帖佛言兩  
畔緣邊俱可安帖顛倒任披若有臭氣時時

緣處同前有婆羅門娶妻未久便生一女名  
爲明月年漸長大時大世主便度出家與授  
近圓時大世主將五百苾芻尼往詣佛所禮  
雙足已退坐一面佛爲說法乃至默然而住  
時大世主既聞法已從座而起整衣一肩合  
掌恭敬白言世尊已爲苾芻說毗奈耶唯願  
慈悲亦爲尼說佛言無有是處如來大師親  
對於尼說毗奈耶法然於苾芻尼衆有聞一  
遍即能持者我當爲說時明月苾芻尼在衆  
中坐即起合掌白言世尊唯願爲說望受尊  
言一聞領悟佛爲彼說一領無遺佛告諸苾  
廿六  
九  
芻於我法中聲聞尼衆一聞便領者明月苾  
芻尼斯爲第一佛作是念非一切處有明月  
可求及相似者亦不可得是故苾芻亦應受

持苾芻尼毗柰耶爲苾芻尼說復應教詔有  
問爲答如是念已告諸苾芻尼如所念事乃至  
有問爲答如世尊說由依戒故由住戒故修  
習於法若定若慧如理相應此明月尼隨順  
於我由住戒故由住戒故定慧相應發起勇  
猛正勤策勵廣說如前得阿羅漢果壞五趣  
輪出生死海廣說乃至釋梵諸天皆爲供養  
時諸苾芻咸皆有疑請世尊曰此明月苾芻  
尼曾作何業彼業異熟得大聰慧有大辯才  
聞持之中說爲第一於佛教中出家修行斷  
諸煩惱證阿羅漢佛告諸苾芻此明月尼曾  
所作業果報成熟廣說如餘汝等苾芻乃往  
鉢戶十號具足與六萬二千苾芻往親慧城  
住勝慧林中時彼城中有一長者娶妻未久

便生一女年漸長大其父信敬至隨意時遂  
便將女往苾芻尼寺以刀子及針行與尼衆  
作隨意施時彼女子見斯善事心生歡喜白  
其父曰我亦隨情與諸尼衆作隨意事父曰  
善哉隨汝意作其女即取刀子及針金銀珍  
寶種種異物奉施尼衆爲隨意事即於衆首  
合掌禮拜而發誓言願我以此於尼衆中敬  
心福施所有善根於未來世令我獲得大慧  
大辯具足聞持汝等苾芻勿生異念往時女  
者即明月是由彼昔日於尼衆中行刀子等  
所有善根復發<sup>廿六</sup>弘願願我未來得大辯才聞  
持具足由彼業緣今受斯報又於迦攝波佛  
時出家修行爲苾芻尼乃至盡形持戒無缺  
竟無所證時親教尼於彼佛法中聞持第一  
時彼弟子發如是願我親教師於此法中總

持第一如佛授記於未來世人壽百年有佛出世名釋迦牟尼於彼法中我當出家佛亦記我於尼衆中總持第一由昔願力今受斯報汝等應知若純黑業得純黑報廣說如前是故汝等應當修學

緣處同前有少年苾芻共老苾芻人間遊行至室羅伐時老苾芻向鹿子母舍少者詣給孤獨園於一苾芻請爲依止住少多時白其師曰阿遮利耶我於彼寺安置衣鉢暫往取來報言子隨去速來答言彼無他事尋即旋歸禮足而去既至彼已衆先有制若於一宿無依止師即不應住便詣苾芻而爲依止既至天明情欲歸去到師房所扣門而進白言敬禮阿遮利耶四大安不師曰不安彼便念曰師今有疾我即棄去是所不應世尊由斯

制須依止互相瞻視我今宜住待差當行即便供給病遂瘳損白言觀察卧具我今欲去報言子汝無闕乏不答言我無闕乏然我本心不擬住此但爲暫來取白衣鉢此衆有制假令一宿亦須依止我懼衆法請作依止見師有病我作是念師有疾病我今棄去是所非宜具陳其意師曰善哉善哉具壽共住門人於親教師及軌範師共相瞻侍應如是作若有諸餘共住門人於二師處亦應如是增長善法如蓮花生水斯爲善事汝當好去常爲謹慎勿作放逸遂禮師足奉辭而去漸至給園到其師處合掌禮敬師言善來具壽何故遲遲彼便以事具悉白知師曰善哉具壽汝能如是於其師處敬重相看能令善根日夜增長如蓮處水師作是念爲前依止爲更

授耶苾芻白佛佛言有緣暫去即擬還來宜  
依舊師無勞更授

緣處同前有一苾芻專修靜慮有小苾芻請  
作依止即便爲作生如是念如佛所說寧作  
屠兒不與他出家及受近圓而不教誡共住  
旣爾門人亦然我修禪寂無緣教授宣付餘  
人令教讀誦詣一苾芻報言具壽教此讀經  
答曰共立要期我當教讀若有乏少能供承  
者我不相違答言若有闕少我自供給即便  
教讀後於異時彼便染患其依止師如法供  
給遂便瘳差其依止師復自染患彼不迴顧  
瞻察其師如是至三竟不看侍報言汝去別  
求依止答曰蒙作依止是事流恩一無闕乏  
今何驅遣報曰汝無闕乏我有闕乏汝之病  
苦我自供承我病至三不曾迴顧汝作如是

不恭敬事若有與汝作依止者可於彼住彼  
聞默然不能致答苾芻白佛佛言於依止師  
可爲供侍當觀師主與父母無異違者得越  
法罪時有教讀阿遮利耶身嬰疾病受法弟  
子不爲瞻侍及其病差還來問經師曰汝去  
我身痛苦曾不相看誰復更能教爾習讀可  
見餘人共相指示復便無對苾芻白佛佛言  
於依止師應爲供侍於教讀師亦爲供給者  
後於異時依止教讀二俱染患不知於誰而  
爲供給苾芻白佛佛言若其能者二俱看侍  
若無力者可供依止若無教讀隨處得住若  
無依止不合停居

緣處同前時有苾芻與他出家并受圓具即  
便棄擲人間遊行彼弟子不以衣食及法而  
相攝養此便於餘而求依止其師即以衣食

法共相資助如世尊說有四攝事布施愛語

利行同事時彼門人於其師處倍生敬重情無捨離後於異時其親教師遊行事周還來給苑少年苾芻皆起迎接其年老者咸唱善來彼舊弟子見不起座諸苾芻告曰見尊者

廿六

十三

少皆迎接老唱善來因何汝今見本師來

身不移座豈成合理答曰豈彼於我出家近圓能以衣食及法共相資助令我憶念見而迎接苾芻報曰勿作是語如佛所說若復有人依託師主於佛法中剃除鬚髮而披法服

以淨信心出家修行彼人於師乃至盡壽四事供養未能報恩汝作是言非爲應理彼便默爾苾芻白佛佛言弟子門人纔見師時即須起立若見親教依止即捨如佛所言見親教師即捨依止者諸苾芻不知云何如下具

說

緣處同前時有苾芻與一少年而爲依止經半月已至長淨時來到師處白言阿遮利耶我今敬禮有所請白欲守持長淨師言賢首何因我得是汝之師彼云我以阿遮利耶而作依止師曰如汝傲慢不相敬重誰與依止隨汝意去別覓餘師彼便默然苾芻白佛佛作是念由諸苾芻日不三時禮敬師主有如是過是故應知弟子門人每日三時須就二師而申禮敬即告諸苾芻曰是故汝等弟子門人每日三時應就二師而申禮敬

緣處同前時有苾芻與一少年而爲依止恩養供給愛念如子時彼弟子遇有他緣須向餘處白其師曰阿遮利耶請爲觀察房舍卧具我今欲向人間遊行師言子無闕乏不答

言阿遮利耶我無闇乏然欲人間隨處遊歷  
不久還來報言子去若於中路生追悔者即  
可迴來白言甚善奉教當還至中路已便生  
追悔作如是念我依止師有所須者悉皆供  
給我棄他行不爲應理今可迴歸遂却還住  
處師見問曰汝今覆來有所遺忘答言我無  
廿六  
遺忘然我路中作如是念我依止師有所須  
者悉皆供給更求何事在外遊行爲此還來  
師言甚善師復生念即舊依止爲更與耶苾  
芻芻白佛佛言若依止師有心顧戀門人無顧  
戀心是則名爲不捨依止若依止師無顧戀  
心門人有顧戀心此亦名爲不捨依止若二  
人俱有戀心亦不名捨若二人俱捨名失依  
緣處同前有一苾芻爲衆導首有多少年來  
止

從習讀師於異時忽染時患諸習讀人曾不  
看侍如是至三皆不顧問後時病差弟子皆  
來請其師曰教我自讀或云教誦師言具壽  
我三染患汝等無人迴顧看我若有見汝如  
此傲慢能相教者可就於彼而爲讀誦苾芻  
白佛佛言教讀誦師亦應瞻侍彼悉皆作使  
廢善品佛言應爲番次是時有一老瘦苾芻  
先就依止餘人報曰老人明日當番答言何  
故於師作直供給汝等安隱我常侍養諸人  
報曰斯爲善事如佛所說若看病即看  
廿七  
十五  
我汝善丈夫隨意當作彼便供給因斯病差  
來請師曰教我讀經報言且住未至汝番後  
請師曰教我闡誦答曰未至汝番後其師曰  
看承供給是我當番請誦授經餘人巡次宜  
當好住我出他行師言且住有所須者我皆

爲作彼便默爾苾芻白佛佛言常供侍者不得同餘勿令有廢次及餘人時有二人一聰一蒙授聰者時以其文長蒙便事闕佛言應更次授

緣處同前六衆苾芻向門徒舍出牀令坐六人同坐其牀遂破一時大笑餘苾芻見告言具壽作斯非法不知慙恥仍更大笑彼共答曰我豈飲酒噉葱蒜耶報曰此亦不久必當見作問曰我何非法答曰豈可不見牀重破耶答曰豈可木盡巧匠身亡彼便默爾苾芻白佛佛言不應一牀六人同坐彼遂五人還同前過四人亦爾佛言不應四人若於一牀三人得坐若大木枯兩人同坐小者唯一違者得越法罪

第四門第四子攝頌曰

養病除性罪 將圓不昇樹 王臣不受戒  
斬手不應爲

緣處同前具壽鄖波離請世尊曰如佛所說若見病人應供給者用何等物而爲供侍佛言鄖波離但除性罪餘清淨物隨意供給

緣處同前時具壽鄖波難陀有一求寂欲受近圓師即爲喚作羯磨師及屏教者并餘七人遂將求寂并持座物先至壇中灑掃田地敷其座席諸人未來鄖波難陀左右顧盼見樹開花即命求寂汝可取花行與僧衆彼便廿六昇樹墮地傷手廢闕近圓苾芻白佛佛言汝等應知如轉輪王第一太子將受灌頂次當王位於此時中倍加守護欲近圓人亦復如是善加愛護是故不應令將近圓人輒昇高樹令昇樹者得越法罪

緣處同前有一長者名曰廣大是勝光王之所委寄曾於一時因有過失被王訶責長者便作是念凡是國王難久祇承宣應遠避我今可去求作出家如是念已詣逝多林六衆苾芻恒令一人在門邊住時鄖波難陀住在門首見廣大來即以美語告言善來何故難覩猶如初月答言大德豈可不聞世人有語希逢致敬數見便輕問言廣大何緣得來答言聖者凡は國王難久承事今雖得意終致滅身我欲出家頗能濟度報言賢首能發此心極爲善事凡出家者有王勝利廣如上說諸佛聲聞及諸智者共所稱讚今正是時即便引去與出家受圓具時勝光王問諸羣臣不見廣大爲遇病耶答言彼無患疾大王訶責因斯即去詣逝多林而爲出家王曰誰作

斯事答言聖者鄖波難陀王聞此語心懷瞋恨令使往報聖者我所訶者即度出家今可度我及惡生太子勝髮行雨皆與出家可自稱王統領城邑使者至寺具說王言鄖波難陀聞王此語報使者曰汝持我語報汝國王可來至寺并將惡生勝髮行雨悉與出家我當作王此亦何損豈我就宅該誘廣大令其出家彼自來求我便濟度隨時利益獲福無邊王聞此語更起譏嫌時諸苾芻以緣白佛佛作是念度王大臣有如是過是故不應輒度此等告諸苾芻曰汝等當知鄖波難陀是愚癡人度大臣廣大令王起嫌是故苾芻不應度大臣出家見來求請應須詰問汝非王臣不若不詰問與出家者得越法罪佛旣制已時有外國人來無人委識又本國王元未

聽許至苾芻所求請出家皆生疑慮不與出家佛言若有此輩外國之人應與出家勿生疑惑

緣處同前具壽阿難陀曾於一時新剃鬚髮於晨朝時著衣持鉢入城乞食行至街衢有一婆羅門是大學士於好顯敞高堂之處教授五百婆羅門子讀四明論時彼博士憲慢自高不存禮節情懷毒害輕慢於人見尊者阿難陀已命弟子曰汝能以手撓此禿沙門頭不答言我能時彼弟子承其師命即便以拳撓尊者頭時阿難陀四望顧視婆羅門更加瞋惱復令弟子更打其頭尊者念曰我何顧瞻宜可默去既至逝多林飯食訖洗鉢已告諸苾芻具壽不應往某街巷處問曰有何過患答曰彼有婆羅門稟性毒害不閑禮節

報言癡物阿難陀被汝所打我今將汝共至王邊便捉其臂牽曳前行婆羅門發聲大喚弟子俱來復捉一臂共相牽挽餘人續來並皆曳去鄖波難陀有大氣力牽婆羅門及五百弟子皆至王門六衆法爾若懷忿怒至王

廿六

十九

門時王殿遂動王覩相已報左右曰出門觀察豈有聖者六衆來耶即便出觀見鄖波難陀將五百婆羅門子俱到門所還入白王聖者鄖波難陀今在門外王言喚入彼便面見問言大王向使聖者阿難陀不出家者合受何位王言聖者當作力輪王王作何人答言我爲從者又曰王先有制觀諸苾芻猶如太子觀苾芻尼事等妃后是事故免不並餘人王於我等俱生愛念然有婆羅門違王教勅輒以拳打聖者阿難陀頭彼復懷瞋亦打我

頂其事合不王聞大怒告近臣曰卿今可去斬婆羅門手大臣即將婆羅門到街巷處告衆人知時彼父母并餘親族及諸知友悉皆來至悲啼雨淚發聲號哭作如是語苦哉我子苦哉我子皆共前行白法官曰善哉大臣我子有愆王令斬手既犯國憲非是枉刑然婆羅門以右手活命若斬左手斯誠曲恩大臣聞之即斬左手後於異時婆羅門手瘡漸差遂掩左手舉右臂點節誦書鄖波難陀遙見舉手倍生忿怒還至王所白言大王爲王之法勅令無違斯成快樂王雖知國無如是事報言聖者我有何事答言前時出勅斬婆羅門手彼手現全王喚臣來問言婆羅門何不斬手答言斬訖若爾聖者鄖波難陀見爲諸人舉手教讀大臣白言見彼父母悲啼相

勸諸婆羅門右手爲活幸當截左爲此即便截其左手王言爲彼父母截其左畔今由我勑更截右邊即便往斬時婆羅門旣無兩手垂臂而住後時鄖波難陀在傍而過問言何故垂手不同昔日來打我頭彼聞懊惱默無所對時諸婆羅門長者居士并諸人衆皆生

廿六

二十一

心鄖波難陀行酬報事斬截其手汝等當聽乃往古昔於一園中花果浴池在處充滿時有隱人依止而住唯食根果飲水自活但著皮衣更無所願於果樹下跏趺而坐思量法義上有獮猴攀果令落打破彼頭爾時隱人說伽陀曰

我終不起念 令汝苦身亡 由汝自作愆  
當招斷命報

時彼隱人先共獵師以爲知友獵師因出至彼林中到果樹下隱人有事棄此而去見彼人作非沙門法所不應爲於我法中出家捨俗作斯惡業若有苾芻斬人手足者得吐羅底也罪是諸苾芻咸皆有疑請世尊曰大德以何緣故具壽阿難陀護彼婆羅門鄖波難陀意存酬報佛言非但今日阿難陀起擁護

是往日獮猴即婆羅門是其獮師者即邬波難陀是彼時爲阿難陀之所擁護邬波難陀之所酬報乃至今時亦復如是一護一棄由此應知先業因緣終不亡失廣說如餘

根本說一切有部毗奈耶雜事卷第十六

音釋

塗	七	艷	切	馳	騁	馳直離	切	騁	丑	郢	瑕	隙	瑕
		坑也		切	馳	騁奔走也							
綺	加	切過也	闕	撫	吁爲	切	穀	苦	角	絢	補	畜	切
瘞	綺	戰	切	穀	指也	切	穀	苦	角	絢	布	也	
差	瘳	丑	瘳	瘳	鳩切	病去也	該	誘	該	姑	犬	切	詐
		差	楚	楚	懈切	與瘥同	該	誘	該	姑	犬	切	詐
引	也	懼	莫結	懼	苦嶽切	與憩同	援	援	于				
也	也	懼	輕易也	懼	苦嶽切	與憩同	援	援	于				
切	切	拊口	拊口	口	擊也	憩去例	切	援	于				
也	也	拊口	拊口	口	擊也	憩去例	切	援	于				
切	切	候柵	候柵	柵	測								